

**Aratohu kaiako**

**NGĀ  
PŌTI  
Ā-TAIŌHI**

2022 mō ngā pōtitanga  
kāwanatanga ā-rohe

# Kia ora, me ngā mihi ki a koe mōu i hono mai ki te āwhina i a mātou ki te whakarite ko Aotearoa te manapori ā-rohe hohe, kauawhi rawa hoki o te ao.

Ko ngā tamariki onāiane ngā rangatira me ngā kaiwhakatau take mō āpōpō. E hiahia ana mātou ki te whakawhanake i tō rātou mōhiotanga mō te mahi a te manapori e whai reo ai, whai pōti ai ia tangata, ā, me pēhea rātou e whakamanatia ai mā te whai wāhi atu ki ngā pōtitanga.

Mā te kaupapa Ngā Pōti ā-Taiohi 2022 e whai wāhi ai ngā tamariki ki ngā pōtitanga kaunihera ā-rohe hei kaipōti, ka ako hoki me pēhea rātou e āwhina ai ki te hoahoa i te hapori e noho nei rātou.

Mō ngā reanga tau 7-10 te kaupapa Ngā Pōti ā-Taiohi, ā, nā Te Kāhui Kaunihera o Aotearoa (LGNZ) i hoahoa hei wāhanga o te whakatairanga VOTE 2022. I hoahoatia hei whakamarohi i te ako ā-wheako, hei whakamana i ngā tauira me te tautoko i ngā kaiako.

Ka tukuna e mātou ngā rauemi e hiahia ana e koe ki te whakarite me te whakahaere i tētahi pōtitanga i tō akomanga i mua tonu i ngā pōtitanga ā-rohe i te Whiringa-ā-nuku. I hoahoatia tēnei kaupapa kia hāngai ki te kaupapa ako rarauropi o te marautanga ā-kura onāiane. Ahakoa i hoahoatia tēnei kaupapa kia hāngai ki ngā mahi a tō rohe, māu tonu e whakarite me pēhea te whakahaere i tō pōtitanga.

Mā te pōti ā-taiohi e whai wāhi ai ngā ākonga ki tētahi tukanga tuturu o te ao me ngā tāngata o te hapori, ki te whakauru ki ngā āhuatanga hira ki a rātou. Mā tēnei kaupapa ka taea e rātou te tautohu i ngā take nui o tō rātou hapori, te whakatau ko ēhea ngā kaitono e whakatinana ana i ngā āhuatanga e hira ana ki a rātou, me te 'pōti' i tō rātou rohe.

I LGNZ e whakapono ana mātou he tautoko tēnei tūmahi i te mōhiotanga o ngā ākonga mō tō rātou tūranga i roto tō tātou tukanga manapori, te hiranga o ia reo, o ia pōti, me te whakamanatanga ka puta i te whakauru atu ki ēnei mahi.

Tēnā koe, mōu i whai wāhi mai ki Ngā Pōti ā-Taiohi 2022.

Ngā mihi,

Stuart Crosby  
Tumuaki, Te Kāhui Kaunihera o Aotearoa





# Ngā Ihirangi



**06**

Nau mai ki te Pōti ā-Taiohi  
2022

Me pēhea, āhea hoki  
whakahaere i te pōti ā-taiaho

**07**

Te whakahoki kōrero ki a  
mātou

**09**

Ngā rā matua

**10**

Ngā hipanga ki te  
whakahaere i tō pōtitanga  
Pōti ā-Taiaho

**22**

Ngā hononga whaihua

**25**

Tātauirā 1 Te rārangi pōti  
ā-akoranga

**26**

Tātauirā 2 Tairā o tētahi  
pepa Pōti ā-Taiohi

**28**

Tātauirā 3 Pepa hua pōti  
whakaraupapa (STV)



# Nau mai ki Ngā Pōti ā-Taiohi: 2022

## He rawe te kite i tō kura e whakauru mai ana!

Ko tā te pōti taiohi he tuku i te āheinga ki ā tātou tamariki, ngā kaipōti anamata ki te ako i ngā āhuatanga o te manapori, ā, me pēhea tana whakamana i te tangata mā te kōrerorero i ngā take nunui ki a rātou, te pōti mō ngā kaitono e ai ki ngā take ao tūturu, me te whakataurite i ngā hua ki ngā hua pōti ōkawa. Kua hoahoatia te pōti taiohi kia hāngai ake ki ngā kaupapa mātauranga raraupori i te marautanga kura o te wā nei.

Kei tēnei aratohu ngā mea katoa e hiahia ana ki te whakahaere i te Pōti ā-Taiohi me tō akomanga, me te ārahi i a koe i roto i ngā mahi e hiahia ana i te ahunga atu ki tētahi pōtitanga. Me whakarite i te nui o tō hōtaka kia tika ki a koe - ka hiahia pea koe ki te whakapā atu ki ō kaitono paetata, te whakamahi rānei i ngā ākonga kia whai whakaaro me pēhea tā rātou whakaatu i a rātou anō mēnā ia he kaitono.

Kua hoahoatia ēnei rauemi ki te whakaata tonu i te pōtitanga e tū ana i tō rohe - ka whiwhi pepa pōti koe, me aua kaitono tonu e rārangai mai ana, rite tonu ki ngā kaipōti i tō hapori. Engari, ka hiahia pea koe ki te whai i te pūnaha, 'pōti whiritoa', te pūnaha 'pōti whakaraupapa' rānei - kei a koe te tikanga.

## Hei āhea, ā, me pēhea te whakahaere i te pōti ā-taiohi

Ka tukuna ki tō kura, mā te imēra, tētahi PDF o ngā pepa Pōti ā-Taiohi e hāngai ana ki tō rohe, mai i te Paraire 16 o Mahuru 2022, kia pai ai tō tuku pepa pōti ki ia ākonga e mau ana i ngā kaitono me te tukanga pōti ōrite ki ngā pōtitanga taketake i tō hapori.

Ka taea e koe te whakahaere te pōti ā-taiohi i ngā wā katoa i waenga i ngā Paraire 16-30 o Mahuru (mutunga o te Wāhanga 3). Ka hiahia pea koe ki te whai whakaaro ki te tikanga pōti tōmua mā ngā ākonga kāore pea i te kura i te rā ka tū te Pōti ā-Taiohi.

Me whiwhi koe i tētahi atu pepa pōti i te mea ka noho tēnei hei pepa hua Pōti ā-Taiohi. I muri i te pōtitanga, me whakahoki tēnei pepa hua ki a mātou ā-tuihono mā tētahi pepa tuihono ka imēratia ki a koe.

Ka noho kati tonu ngā pepa pōti tae rawa ki te 17 o Whiringa-ā-nuku te rā tuatahi o te Wāhanga 4.

Me mōhio, ko ētahi Kaunihera ka whakahaere i te pūnaha Pōti Whakaraupapa, ā, ko ētahi atu ko te pūnaha Pōti Whiritoa. Mō ngā tikanga o tēnei mahi, ā, kia māmā ai te whakatutuki, ka waiho ki a koe te whakatau ko tēhea te pūnaha ka hiahia koe. Kei roto i tēnei aratohu ētahi atu mōhiō mō ngā pūnaha pōti.



## Te whakahoki kōrero mai

He mea hira ki a mātou ngā kōrero whakahoki a ngā ākonga me ngā kaiako!

Ka tukuna e mātou ētahi hononga ki a koutou ko ō ākonga ki tētahi arotake māmā, ā-tuihono hoki, kia tata ki te wā. Mēnā he pai ake ki a koe ngā pepa ōkiko, tēnā whakamōhio mai.

Mēnā he whakaahua āu, he kōrero rānei o tō pōtitanga, ka pārekareka ki a mātou te kite atu. Me imēra mai ki [vote2022@lgnz.co.nz](mailto:vote2022@lgnz.co.nz)



# Ngā rā matua 2022



## Pōti ā-Taiohi

## Ngā pōtitanga kaunihera

### Hongongoi

#### 25 o Hongongoi

Ka tīmata te wāhanga tuatoru.

#### 15 o Hongongoi

Ka tuwhera ngā tautapa kaitono. Ka tīmata te wā pōtitanga, ā, ka mana ngā ture motuhake ki ngā tikanga kaunihera me ngā whakawhiti kōrero.

### Hereturikōkā

#### 12 o Hereturikōkā

Ka kati ngā rēhita pōti ā-taiohi.

#### 17 o Hereturikōkā

Kua puta ngā ingoa o ngā kaitono - tirohia te paetukutuku a tō kaunihera, whakapā atu rānei ki tō Āpiha Pōti paetata.

#### 12 o Hereturikōkā

Ka kati ngā tautapa kaitono me te whakaurunga ki te rārangi kaipōti.

#### 17 o Hereturikōkā

Pānui tūmatanui o ngā ingoa kaitono.

### Mahuru

#### 16 - 21 o Mahuru 2022

Ka tukuna ki ia kaiako i rēhita ki a Pōti ā-Taiohi tētahi kape o ngā pepa Pōti ā-Taiohi e hāngai ana ki te kura.

#### 16 o Mahuru - 30 o Mahuru

##### Ka tū te Pōti ā-Taiohi

Ka kati ngā pōti i te 4pm Paraire te 30 o Mahuru. Kia mutu te pōti, me noho kati ngā pouaka pōti katoa, kia mutu ngā hararei kura.

#### 30 o Mahuru

Ka mutu te Wāhanga 3

Ka kati ngā pōti i te 4pm i te Paraire 30 o Mahuru.

#### 16 - 21 o Mahuru 2022

Ka tukuna ngā tuhinga pōti mā te pōhi ki ngā kaipōti māraurau.

#### 16 o Mahuru - 8 o Whiringa-ā-nuku

##### Te wā pōti

### Whiringa-ā-nuku

#### 1 o Whiringa-ā-nuku - 16 o Whiringa-ā-nuku

Hararei Kura

#### 17 o Whiringa-ā-nuku

Ka tīmata te Wāhanga 4

Ka huaki ngā ākongā i ngā pouaka pōti hei te Mane te 17 o Whiringa-ā-nuku, ka kaute i ngā pōti, ā, ka whakataurite i ngā hua ki ō ngā hua o ngā pōtitanga kaunihera (mō ngā pakeke).

Ka whakahaere arotake ngā kaiako me ngā ākongā, ā, ka whakahoki i te pepa hua me ngā whakahoki kōrero ā-matihiko.

#### 8 o Whiringa-ā-nuku

Ka kati ngā pōti i te 12 i te ahiahi. Ka tīmata te kaute, ā, ka whakaputaina ngā hua tōmua e ngā kaunihera.

# Ngā hipanga mō te whakahaere i tō Pōti ā-Taiiohi



## Hipanga Tuatahi: Te whakaatu i ngā ariā manapori matua me te kupu hou

Ka iimata te akiaki i ngā ākonga kia whakauru ake mā te mātua whakarite e ōrite ana te mārama he aha i noho ai hei take hira tēnei mahi.

**Ngā ariā hei kōrero atu ki ngā ākonga:**

### 1. He aha te kāwanatanga ā-rohe me te manapori ā-rohe

- Ko te kāwanatanga ā-rohe te huarahi e whakatau ai te hapori i ngā whakataunga manapori o te āhua o ā rātou tāone me ngā rohe, otirā me pēhea te whanaketanga kia puāwai ai. E kōrero ana mō ngā mahi a ngā rōpū whakahaere e mōhiotia nei ko ngā mana ā-rohe - kaunihera ā-tāone, ā-rohe, ā-takiwā, me ngā poari hapori, paetata hoki.
- Koia nei te taketaketanga o tō tātou manapori. Ka āhei ngā tāngata, ngā whānau me ngā hapori, mā roto i ō rātou māngai pōti, ki te whakatau take mō ngā āhuatanga o tō rātou takiwā, tāone, rohe rānei i tēnei rangi, i muri nei hoki.
- I tēnei rā, he mahi ahurei tā ngā kaunihera i te mea ko rātou anake te momo kāwanatanga e haepapa ana ki tētahi rohe whenua motuhake - e mōhiotia whānuitia tēnei ko te 'place making', te 'place shaping' rānei.
- E whakakite ana te anga me te mahi o te kāwanatanga ā-rohe, otirā e whakaata ana hoki kāore i ōrite ētahi rohe e rua, engari he kanorau, he ahurei - he rerekē ngā tāngata me ngā ahurea, ngā taiao māori me ngā taiao hanga, ngā rawa me ngā pakihī. Kāore hoki i ōrite ngā take o ngā hapori e rua, ngā wawata rānei, ā, ko te tikanga o tērā me noho ko ngā reo ā-rohe te puna o ngā otinga ā-rohe.
- He whānui ngā tūranga mahi a ngā kaunihera ā-tāone, ā-takiwā, ā-rohe hoki.
  - Ka whakawhanake mahere me te whakatau take me pēhea te whakahaere i tō rohe ake, tae atu ki te taiao māori me te taiao hanga, ki hea whakapau moni ai i kohia i a koe, mā roto i ngā rēti ka utua e ia kaupuri whare ki te kaunihera i ia tau.
  - Ko te tikanga me tautohu i ngā ture, ngā haepapa me ngā pūtea mō ngā ratonga ā-rohe me ngā mahi pēnei i ngā kura, ngā whare pukapuka, ngā papa rēhia; te whakamahere i ngā wāhi tika mō ngā whare, ngā pakihī, ngā pāka me ngā tiriti; ngā ture mō ngā momo whare; te whakahaere para me te hangarua; te whakarite huarahi, tūranga waka me ngā huarahi pahikara; te tautoko i ngā pakihī, te whakahaere patu kirearea me te tautoko, te whakatairanga hoki i ngā kaupapa toi me te ahurea i ia hapori ki te hiki me te akiaki i te whakautu me te whakaurunga.
  - Ko ētahi atu mahi hira ko te whakatau ture (ture paetata) pēnei i te whakahaere kurī, te raihana waipiro me te whakahaere hoihoi; te whakamahere i te whakamaru ohotata me te whakarite i ngā hapori mō ngā ohotata.

- Ki te taha ōkawa, ko tā te Local Government Act 2002 (te Ture) he whakarato i tētahi kaupapa whānui, otirā ko te:
  - mātua whakarite i ngā whakataunga take ā-manapori me ngā mahi, otirā hei māngai mō ngā hapori.
  - whakatairanga i te oranga ā-pāpori, ā-ōhanga, ā-taiao, ā-ahurea hoki o ngā hapori i te wā nei, i muri nei hoki.

### 2. He aha i noho hira ai te manapori me te pōti

- Mā te manapori e āhei ai ngā tāngata, ngā whānau me ngā hapori, mā roto i ō rātou māngai pōti, ki te whakatau take mō te āhua e mahi ana tō rātou takiwā, tāone, rohe hoki i te rangi nei, i muri ake nei hoki.
- Ko tā te kāwanatanga ā-rohe he tuku i te reo me te mokowā ki te tangata kia rongohia rātou e ngā kaiwhakatau take.
- He hira te mahi pōti i te mea nōu ake ō whakaaro.
- Ko tā te poti he tuku āheinga ki a koe ki te whakaputa whakaaro o ngā take e hira ana ki a koutou ko tō whānau.

### 3. Ngā māngai, ā, he aha i hira ai te kanorautanga

- Ko te pūtake o te māngaitanga, ko te tū hei māngai mō ētahi atu tāngata, rōpū hoki i tō hapori. Ko te tikanga o te māngaitanga, ko te mahi i ngā mahi e tika ana mō tō rohe whānui. Hei kaikaunihera, mema poari hapori rānei, ko te tikanga o tēnei kua tohua koe e tō hapori ki te whakatau take e whai whakaaro nei ki te horopaki whānui me ngā hiahia o ngā whakatipuranga o nāiane, o muri nei hoki.
- Ko te tikanga o te tū hei māngai mō tō hapori ko te tuitui hononga, ki ngā iwi me ngā hapū, ngā rōpū hapori me ngā rōpū whakahaere, me te whakamana i a rātou kia uru hohe ki ngā āhuatanga o te manapori paetata. Ko tōna tikanga he hanga i tētahi ahurea whakaurunga, ahurea tūrangawaewae, kia rongohia ngā reo katoa.
- Ko te huarahi pono e taea ana e te manapori te whakarato ki te tangata, ko te whakaata i te kanorautanga e kitea ana i roto i te hapori, otirā kia whakaatatia i roto i ngā kōrero i te wā e whakatauhia ana ngā take. Koirā te take me whai reo ngā tāngata o ngā ahunga whānui katoa, kia whakaatatia ngā hapori katoa.



## 4. Ngā tūranga pōtīhia i roto i te kāwanatanga ā-rohe

### Kahika

- Ko te Kahika te tūranga mana nui rawa i te kaunihera. Ko ia ka karangahia e ngā kaiwhakapāoho ki te kōrero i ngā take e whakahaeretia ana i ō rātou hapori.
- Ko te tūranga Kahika pea te tūranga taumaha rawa, uaua rawa mana nui rawa o ngā tūranga kaunihera. Ka pōtīhia hāngaitia te Kahika e ngā kaipōtī.
- He rerekē te nui o te tūranga mahi i runga anō i te nui o te takiwā, te tāone rānei, otirā he tūranga mahi ukiuki tō te kahika i ngā hapori nunui.
- Ahakoa te rohe e mahi ana ia, he rerekē ngā mahi a te kahika, he roa ngā haora, he whānui hoki ngā takohanga. E tūmanakohia ana te kahika ki te ārahi i te whanaketanga o ngā mahere kaunihera, ngā kaupapahere me ngā mahere pūtea. Ka noho haepapa hoki mō te whakahaere i ngā hui, te whakaputa whakaaro mō ngā take paetata, te haere ki ngā kaupapa tūmatanui, kia wātea hoki ki te tūtaki ki te iwi i tō rātou hapori.
- Ka rerekē te āhua o te mahi a te kahika i roto i ngā kaunihera rerekē. Hei tauira, ko te kahika o Te Kaunihera o Tāmaki Makaurau, he whānui tōna mana whakahaere matua, kōore i te wātea ki ētahi atu kahika, pēnei i te āheinga kia noho motuhake te tari o te kahika, me te whakatau ko wai tana tuarua, ko wai hoki ngā upoko o ngā komiti. Ka noho hoki te kahika hei māngai kōrero mō te kaunihera. Tāpiri ki ēnei tūranga, he haepapa whakamaru ohotata tō te kahika, ā, he Kaiwhakawā Tūmatanui ia (i te wā e noho ana hei kahika).

### Kaikaunihera

- Ko te kaikaunihera tētahi kua pōtīhia e te iwi o te hapori hei māngai mō ō rātou whakaaro me te āwhina ki te whakatau i ngā take mō te anamata o tō rātou rohe. Ko te tūranga o te kaikaunihera he mahi taumaha pea engari he momoho.
- Ko te mahi o te kaikaunihera i te kaunihera tāone, ā-rohe rānei he rerekē ki te mahi i te kaunihera ā-takiwā nā ngā momo ratonga rerekē ka tukua, otirā me te tūtata ki ngā hapori. He tūranga mahi tūmatanui rawa tēnei, otirā e kitea auautia ana hei kaiārahi o te hapori.
- He nui ake te whakaurunga a te kaikaunihera i te tāone, i te rohe rānei ki ngā take hapori. Ko ngā kaikaunihera i ngā kaunihera ā-takiwā he aronga whānui ake tā rātou ki ngā take ā-waeture, ā-taiao hoki.
- Me whakariterite ngā kaikaunihera i ngā kawenga mahi huhua, me ngā whakataurite i ngā hiahia a tēnā, a tēnā, otirā ka noho hei kaiwhakatau take, hei kaitaunaki mā te hapori hoki.
- Mēnā ka pōtīhia koe ki tētahi rohe pōtī Māori, he tūranga waiwai te noho hei māngai mō te Māori me te mana whenua.

### Mema poari hapori

- Ko tā ngā poari hapori he tuku i tētahi reo i roto i ō rātou kaunihera ki ngā hapori motuhake pēnei i ngā hapori tuawhenua.
- Nā, ka noho te mema poari Hapori hei māngai mō tētahi wāhanga iti iho o te hapori. Ka rerekē te āhua o te tūranga i runga anō i te nui o te haepapa kua tukua ki ia e te kaunihera.
- Ko tā rātou mahi taketake he tuku whaikupu ki ō rātou rōpū mana whakahaere mō ngā kaupapahere, ngā ture me ngā rautaki, e whakaata ana i ngā whakaaro o ō rātou hapori.
- Ko te mahi matua o te mema poari hapori, ko te tū hei māngai hei kaitaunaki hoki mō ngā hiahia o ō rātou hapori, te mahi takawaenga ki ngā rōpū hapori me ngā tari kāwanatanga, me te tiroiro ake i ngā ratonga paetata e tukua ana e te kaunihera. Ka taea hoki e ngā poari hapori te tuku tāpae ā-tuhi, ā-reo rānei ki tō rātou kaunihera mō ngā take paetata.

### Mema poari paetata (Tāmaki Makaurau anake)


- Ko tā ngā poari paetata he whakatau i ngā take huahua e pā ana ki te wāhi e noho nei rātou, te ārahi i taua wā paetata, me te whakakaha i ngā hapori paetata. Ko tā ngā poari paetata he whakarato i ngā whakaaro paetata hira ki ngā rautaki me ngā mahere o te takiwā whānui.
- I ia toru tau, ka whakarite ngā poari paetata i tētahi mahere toru tau e whakamōhio ana i te Mahere Paetawhiti a Te Kaunihera o Tāmaki Makaurau. I ia tau, ka whiriwhiri rātou i tētahi whakaaetanga ki te mana whakahaere mō te tuku me te tautoko ā-pūtea i ngā ratonga i ō rātou rohe paetata.

## 5. Ngā pūnaha pōtī: Te Pōtī Whiritoa me te Pōtī Whakaraupapa

**Kia mōhio:** Kia māmā ai te tuku, ka taea e ngā kura te kōwhiri ko tēhea te pūnaha pōtī ka whakamahia e rātou i tēnei tūmahī, ā, ehara i te mea me whakamahi i te momo tikanga pōtī a tō rātou hapori. E whakamāramatia ana ngā pūnaha e rua i tēnei tuhinga, ā, ka taea ngā mea e rua i tēnei tūmahī.

- **Te Pūnaha Pōtī Whakaraupapa (STV):** He pūnaha pōtī ka whakaraupapa ngā kaipōtī i ngā kaitono i runga anō i te mariu, mā te tuhi i te 1 i muri mai i te kōwhiringa tuatahi, te 2 i muri i te kōwhiringa tuarua, te 3 i muri i te kōwhiringa tuatoru, te aha atu, tae rawa ki tā te kaipōtī e hiahia ana ki te whakaraupapa. Kia pōtīhia ai koe, me eke te kaitono ki te paerewa o te maha o ngā pōtī. Kei runga tēnei i te tapeke o ngā pōtī me te tokomaha o ngā tāngata e hiahitia ana ki te whakakā i ngā tūranga wātea.
- Kei konei ngā kōrero mō te STV [www.stv.govt.nz/index.shtml](http://www.stv.govt.nz/index.shtml)
- **Te Pūnaha Pōtī Whiritoa (FPP):** He pūnaha pōtī tēnei e tohu ai te kaipōtī i te ingoa o te kaitono e pōtīhia ana e ia. Ko te kaitono ka whiwhi i ngā pōtī nui rawa, ko ia te toa. Ko te nuinga o ngā Kaunihera e whakamahi ana i te FPP.

Mō ētahi atu kōrero o ngā take katoa e pā ana ki te kāwanatanga ā-rohe me ngā pōtītanga [www.votelocal.co.nz](http://www.votelocal.co.nz).



### Ngā kupu hou matua

#### Te pouaka pōtī

Ko te pouaka tēnei i te wāhi pōtī e whakaurua ana e ngā kaipōtī ā rātou pepa pōtī. Ka katia te pouaka pōtī i mua i te tīmatanga o ngā pōtī, ā, e kore e taea te huaki kia mutu rā anō te wā pōtī.

#### Pepa pōtī

Ko te pepa tēnei ka tohu ngā kaipōtī i tō rātou whiringa i te pōtītanga.

#### Te rāranga pōtī

Te rārangi o ngā ākongā katoa i te akomanga kua whakaritea e te Kairēhita Pōtī kua tohua e te akomanga.



## Hipanga Rua: Ngā tūranga mā ngā ākonga

Ko te tikanga o te akiaki i ngā ākonga kia uru hohe ki ngā mahi, ka nui ake te whakaurunga ki te tukanganga. Mā te tohu i ngā ākonga ki ngā tūranga motuhake i te tukanganga pōti, ka kaha ake tā rātou rangatiratanga ki te tukanganga.

### Ka hiahia koe i:



**Te Āpiha Pōti Matua** – he tangata kotahi hei tiroiro i te kaupapa me te whakarite kei te tika te haere o te pōtitanga. Ko te haepapa o tēnei tangata ko te tuku i ngā hua whakamutunga.



**Te Kairēhita Pōti** – he tangata ka hiahia ki te whakaputa i te rārangi pōti i mua i te pōtitanga (tirohia te whārangi x me pēhea te hanga i te rārangi pōti) me te tiroiro i te rēhita i te rā pōti (Tātairua 1).



**Ngā Āpiha Pōti** – ko tā ēnei tēngata he kawē i ētahi mahi, otirā kia toru neke atu rānei ngā āpiha.

- Ko tāna he whakarite i te whakahaerenga pai o te wāhi pōti, otirā i te whāinga o te tukanganga tika.
- He āwhina ki te whakatairanga i te pōtitanga mā te toha i ngā rau mōhiotia me te hanga pānui.
- He tiroiro i ngā whakarātanga mō ngā pōti tōmua mā te hunga ka ngaro i te kura i te wā ka tū te Pōti ā-Taiohi.
- He āwhina ki te kaute i ngā pōti i te Mane te 14 o Whiringa-ā-nuku.

### Ka taea hoki te tohu i tētahi:



**Kaikawe pūrongo** – ki te tango whakaahua me te tuhi i tētahi whakarāpopototanga o te kaupapa.



**He kaiwhakatairanga** – māna e tiaki i ngā mahi whakatairanga o te pōtitanga me te whakarite e mōhio ana ngā ākonga ki hea pōti ai, āhea pōti ai.

## Hipanga Toru: Te mōhio ko wai ngā kaitono

### Me rapu kōrero anō mō ngā kaitono i tō rohe

Ka taea e koe te toro atu ki te paetukutuku a tō kaunihera ki te rapu ko wai te hunga e tū ana i te pōtitanga i tō hapori me tō rohe. Ka tukuna tūmatanuitia e te Kaunihera ngā ingoa o ngā kaitono ka tū hei te Wenerei te 17 o Hereturikōkā.

Ka taea hoki e koe te whakamahi i a Policy Local ki te rapu kōrero mō ngā kaitono. Ko Policy Local tētahi taputapu tuihono hei āwhina i ngā kaipōti ki te whakatau ko wai tā rātou e pōti ana i ngā pōtitanga paetata. He tiro ki te motu whānui, he ngū ā-tōrangapū, ā, he māmā ki te whakamahi.

Ka taea e ngā ākonga te whakamahi i a Policy Local ki te ako ko wai ngā kaiwhakataetae, ā, ki te whakataurite i ā rātou kaupapahere i runga i ngā take whānui. Ka taea e ngā ākonga te tiaki i ngā kaupapahere e pai ana ki a rātou me te whakataurite ake.

Engari, nō te kaitono te tikanga kia whakairia ngā kōrero mōna ki a Policy Local, ā, kāore ngā kaitono katoa e kitea ana i konei, heoi ka kite koe i te rārangi o ngā kaitono katoa i te paetukutuku a tō kaunihera mai i te Wenerei te 17 o Hereturikōkā.

### Te whakamahi i a Policy Local me ngā ākonga

- Haere ki [www.policylocal.nz](http://www.policylocal.nz)
- Rapua tō pōtitanga paetata mā te whakauru i tō wāhinoho, mā te urungi haere i te pae tahua rānei
- Tirohia te rārangi kaipōti ki te rapu kōrero mō ia pōtitanga kāwanatanga ā-rohe i tō rohe, me ngā haepapa o ia tūranga, pēnei i te kahika me te kaikaunihera
- Hohoko ki 'Ngā Kaitono' ki te rapu kōrero mō ngā kaitono, ā, he aha rātou e tū ai
- Hohoko ki 'Ngā Kaupapahere' ki te kite he aha te kaupapa o ia kaitono
- Tiroirohia ngā kaupapahere puta noa i te whānuitanga o ngā kaupapa me ngā take
- Tiakina ngā kaupapahere mā te pāwhiri i te ata manawa

### Te whakahaere i ngā kōrerorero akomanga mā te whakamahi i a Policy Local

Ka taea e Policy Local te tautoko i ētahi kōrero mō ngā take whānui mai i te taiao ki te ngā take toi me ngā rēti, ā, he aha i noho hira ai kia tū te tangata i ngā pōtitanga hei whakahaere i ngā wāhi e noho nei rātou.

Me akiaki ngā kaiako i ngā ākonga ki te whiu pātai me te wero anō i ā rātou whakaaro. Ka taea e Policy Local te āwhina i ngā ākonga ki te neke atu i ngā tohenga o ngā kaupapa, ki te nanao atu kē ki ngā whakaaro arohaehae o ngā take paetata.

### Ētahi pātai hei tīmata i ngā kōrerorero akomanga

- I runga anō i ngā kaupapahere o ia take nui, e kite ana koe i ngā whakaarotau o ia kaitono? Me kōrero.
- Kōwhirihia he take e kaingākau ana ki a koe, ka whai pānga rānei ki tō hapori, ā, ka whakataurite i ngā kaupapahere o ētahi kaitono e rua. He aha ngā rerekētanga o ngā kaupapahere? Ki ō whakaaro, he aha te pānga o ēnei ki tō hapori?
- Mō tētahi take e kaingākau ana koe - tiakina ngā kaupapahere e rata ana koe mā te pāwhiri i te ata manawa. Whakamāramatia he aha ngā hua e kite ana koe. Kōrerotia tēnei ki tētahi atu i te akomanga. I ako koe i ētahi kōrero hou mō tēnei tangata nā tēnei whakawhiti kōrero? I ako koe i ētahi kōrero mō tonu nā tēnei whakawhiti kōrero?
- Hei akomanga, tīpakohia he take e whai pānga ana ki ngā tamariki me ngā taiohi. Tiakina ngā kaupapahere e whakaaro ana koe ka whai hua tonu mō ngā tamariki me ngā taiohi. He whakaaro anō ōu me pēhea te tahuri i ngā kaupapahere e pā ana ki tō take kia pai ake ai ngā oranga o te hunga taiohi?



# Hipanga Whā: Te whakarite mō te rā pōti

## Te whakarite i te rārangi pōti

Mā tō Kairēhita Pōti e hanga i te rārangi pōti mō tō akomanga.

Mā te whakamahi i te Tātuiria 1, tuhia te ingoa tuatahi me te ingoa whānau o ia ākonga, ā, ka tuku nama rēhita ki te katoa. Ka whakamahia tēnei nama i te Rā Pōti kia noho matahuna ai ngā ākonga, ā, kia whaimana tonu ai ngā pōti.

## Horahia te kupu mō tō pōtitanga

Me mōhio ngā ākonga me mātua haere rātou ki hea ki te pōti i te rā pōti, ā, āhea hoki te wā pōti.

Me mōhio hoki rātou me pēhea te pōti - mā te pūnaha pōti whiritoa, te pōti whakaraupapa rānei.

I te tau 2022, i whakamahia te STV ki te pōti mema i ēnei kaunihera:

- Te Kaunihera o Tai Tokerau ki te Raki (Wā tuatahi)
- Kaipara District Council
- Te Kaunihera o Kirikiriroa (Wā tuatahi)
- Te Kaunihera o Te Tai Rāwhiti (Wā tuatahi)
- Tauranga City Council
- Ruapehu District Council
- New Plymouth District Council
- Palmerston North City Council
- Kapiti Coast District Council
- Porirua City Council
- Te Kaunihera o Poneke
- Te Pane Matua Taiao
- Marlborough District Council
- Te Kaunihera o Whakatū
- Te Kaunihera ā-Rohe o Ōtepoti



## Te pōti tōmua

Ka mōhio pea ētahi ākonga e kore rātou e wātea i te rā pōti. E āhei ai ēnei ākonga ki te pōti, ka taea e rātou te pōti tōmua - e karangahia ana tēnei ko te pōti tōmua.

## Te hanga i te pouaka pōti

I te mea he pōti muna tēnei, me noho kati tonu te pouaka pōti kia kore ai e taea te tango i ngā pōti kua whakaurua. Ka taea te hanga i tētahi pouaka pōti mai i tētahi pouaka pepa tārua A4.

- Tapahia atu he tapawhā roa kia 13cm te roa, 1.5cm te whānui i waenganui i te taupoki.
- Whakahokia te taupoki o te pouaka ka kati mā te tēpa whakapiri.

## Waihangahia he wāhi pōti

I te mea he pōti muna tēnei, me whakarite he wāhi tūmataiti mā ngā ākonga ki te tuku pōti. Ka taea te hanga i ēnei mā te whakatū pātū, te whakawehe rānei i ngā wāhi pōti hei hanga whare pōti motuhake.



# Hipanga Rima: Te Rā Pōti

## I te wā ka kuhu ngā ākonga ki te wāhi pōti me:



### Tohu te Kairēhita Pōti i ō rātou ingoa i runga i te rārangi pōti

- pātai ko wai te ingoa
- rūritia he rārangi i roto i ō rātou ingoa i runga i te rārangi pōti mā te pene whereo
- tuhia te nama kua tohua ki a rātou i te kokonga whakarunga taha matau o te pepa pōti (mā tēnei e mātua mōhio ai e kore te kaipōti e āhei ki te pōti i ngā wā e rua).



### Kia tukuna te pepa pōti ki a ia.



### Kia tohua ki te wāhi pōti e wātea ana, kia pai ai te tuku pōti muna.



### Kia oti i ngā ākonga te tuku i ā rātou pōti, ka rau i te pepa pōti ki te pouaka.

Ko tētahi tauira o te pepa Pōti ā-Taiohi kei muri o tēnei aratohu (Tātuiria 2).



## Hipanga Ono: Te kaute i ngā hua



Ka kati ngā pōtitanga kāwanatanga ā-rohe ākawa a te Rāhoroi te 8 o Whiringa-ā-nuku, otirā me kaute ngā Pōti ā-Taiohi hei te Mane te 17 o Whiringa-ā-nuku, te rā tuatahi o te Wāhanga Tuawhā.

### Me pēhea te whakahaere i te kaute:

- ✓ Mā ō 'Āpiha Pōti' e huaki i te pouaka pōti me te āwhina ki te kaute i ngā pōti hei te Mane te 17 o Whiringa-ā-nuku.
- ✓ Kaute, ka tuhi i te nui o ngā pepa pōti. Me rite tēnei ki te nui o ngā pepa pōti i tukua i te rā pōti (ka taea e koe te tiro i tēnei i runga i te rārangi pōti). Nāu te whiringa ki te whakamahi i te pūnaha Pōti Whiritoa (FPP), Pōti Whakaraupapa (STV) rānei ki te kaute.
- ✓ Whakatōpūtia ngā pepa pōti kāore i tika te whakakī ki tētahi putunga wehe. Ina kore e taea e koe te pānui i tā rātou e pōti ana, he koremana ngā pōti.
- ✓ Me fimata ki te kaute, i runga anō i te pūnaha STV, FPP rānei.

### Te kaute i ngā pōti i raro i te pūnaha Pōti Whiritoa (FPP)

1. Timata i tētahi momo pōtitanga (hei tauira, kahika, kaikaunihera), ka wehewehe i ngā pepa pōti ki ngā putunga o ngā kaitono rerekē.
2. Tirohia ia pepa pōti ki te mātua whakarite i tika te whakakī.
3. Me kaute ngā pōti mō ia kaitono ka tuhia e tētahi Āpiha Pōti. Ko te tapeke o ngā pōti mō ngā kaitono katoa me rite ki te tapeke o ngā pōti katoa. Kātahi me kaute anō tētahi atu Āpiha Pōti i taua putunga anō ki te tiro mēnā kei te tika te hua.
4. Ko te kaitono me ngā pōti nui rawa ka toa.
5. Whakahaeretia taua tukanga anō mō ia tūranga i tō pepa pōti.
6. Kia oti te whakakī te pepa o ngā hua o tō akomanga, tukuna ki te Āpiha Pōti o tō kura, māna e whakaemi i ngā hua katoa o te kura.
7. Mā tō Āpiha Pōti o tō kura e tuku i ngā hua whānui o tō kura ki a mātou.







## Te kaute i ngā pōti i raro i te pūnaha Pōti Whakaraupapa (STV)

He uaua ake te kaute i ngā pōti STV i tō ngā pōti FPP. Ahakoa ka whakamahia koe i tētahi pūnaha ā-ringa ki te kaute i ngā pōti STV o tō akomanga, i ngā pōtitanga tūturu, ka tukatukatia ngā pōti, ka kautetia hoki e tētahi pūnaha rorohiko.

Mā te whakamahia i te pepa hua STV i kōrerotia i raro (Tātāuira 3 o tēnei aratohu), whāia ēnei hipanga:

1. Whakaritea te tūtohi kaute: i te taha o tētahi tapa roa o te tūtohi, tāpiritia he tapanga mō ia kaitono me tētahi mō ngā 'whakawhiti-kore'. Me waiho he wāhi i mua i ia tapanga mō ngā putunga e rua o ngā tuhinga pōti.
2. Mai i te rārangi pōti, kaute i te nui o ngā tāngata i pōti. Tuhia tēnei nama i te wāhanga o ngā pōti 'i whiwhi' kei te wāhanga whakarunga taha matau o te pepa hua STV.
3. Tirohia ia pepa pōti ki te tiro mēnā i tika anō te whakakī. Ko te tikanga o te whakakī tika:
  - a. Kotahi te nama 1 i te taha o te kaitono kotahi.
  - b. Mēnā he nama atu anō kei runga, he raupapa te āhua (2, 3, 4, aha atu).
  - c. Me waiho ngā pepa kāore i tika te whakakī ki tētahi putunga wehe i te mea he pepa koremana ēnei.
4. Kaute i te nui o ngā pepa pōti whaimana me te nui o ngā pepa koremana ka tuhi ki te pepa hua STV.
5. Tāpiritia aua nama e rua ka tiro mēnā e rite ana ki te nui o ngā pōti katoa i whiwhi, kia mātua mōhio kei a koe nga pepa pōti katoa.
6. Tātaitia te paerewa e hiahia ana mō ia kaitono kia toa ai ia.
  - a. Tikina te tapeke o ngā pōti whaimana, ka whakawehe mā te nui o ngā tūru hei whakakī +1
  - b. Tāpiritia te kotahi ki tēnei whakautu e riro ai te paerewa.
  - c. Hei tauira: 40 pōti ākonga/(tētahi tūranga kahika +1) +1 = **21 te paerewa**
7. Whakaemihia ngā pepa pōti whaimana katoa ki ngā putunga mā te kōwhiringa tuatahi (1), ki mua i te tapanga kaitono hāngai, i runga i te tūtohi kaute.

8. Kautetia ngā kōwhiringa tuatahi o ia kaitono, ka tuhi ki te pepa hua STV.
  - a. Tirohia ia kautetanga.
  - b. Tapeketia ngā pōti i whiwhi ngā kaipōti katoa, ka tuhi ki te kapa 'pōti whaimana' i raro i te tiwae. Tirohia te tapeke mēnā e rite ana ki te nui o ngā pepa pōti whaimana katoa.
9. Kua eke anō tētahi kaitono ki te paerewa?
  - a. **Mēnā āe**, ka pōtuhia tēnei kaitono. Tuhia te tangata toa ki te pepa hua. Kua oti te kaute ināianei.
  - b. **Mēnā kāo**, me whakakore i te kaitono iti rawa ngā pōti mōna. I runga i te pepa hua STV, tuhia te kupu whakakore i te tiwae 'mahi/whakawhiti' kei te taha o te kaitono, ka tā i tētahi rārangi ki ngā tiwae wātea katoa i te taha matau.
    - a. Me toha anō i ngā pōti katoa a tēnei kaitono. Kia tutuki ai tēnei, tirohia ia pepa pōti i te putunga mō taua kaitono, ka rau ki te putunga ki te kaitono kei a ia te kōwhiringa mariu e whai ake ana. Puritia ēnei whakawhitinga ki tētahi putunga i mua i ngā pōti kua whiwhi kē taua kaitono. Mēnā ko te kōwhiringa mariu e whai ake ana mō tētahi kaitono kua puta kē, me heke haere tonu i ngā mariu, kia kitea tētahi kaitono kei roto tonu ia i te whakataetae. Mēnā kāore he mariu e toe ana kua tohua, waiho ki te putunga 'whakawhiti-kore'.
    - b. Kaute e hia ngā pepa pōti kei ia putunga hou (me ngā whakawhiti-kore), ka tiro i te kaute, ka tuhi ki te pepa hua STV, i te tiwae 'mahi/whakawhiti'. Tapeke i te nui o ngā pōti i tēnei tiwae 'mahi/whakawhiti' ka tuhi ki te kapa 'pōti whakawhiti'. Tirohia mēnā e rite ana tēnei nama ki tērā i whiwhi i te kaitono kua whakakorea.
    - c. Kia tau rā anō o whakaaro ki ngā nama, tāpiritia ngā pepa pōti i ia putunga hou ki te putunga tawhito o ngā pepa pōti mō ia kaitono. Meatia he pepa wātea ki runga i ia putunga (he pai mēnā he tae kē). Ko tēnei hipanga he whakatūpatu noa kia noho wehe ngā pepa whakawhiti i tētahi putunga wehe i mua i te kaute.
    - d. Tāpiritia ngā pōti hou ki te tapeke kua whiwhi kē ia kaitono, ka tuhi ki te pepa hua i te tiwae 'huringa' e whai ake ana. Tāpiritia ngā tapeke mō ngā kaitono katoa (engari kua ngā whakawhiti-kore), ka tuhi ki te pepa hua STV i raro i te tiwae ki te kapa 'pōti whaimana'.
    - e. Tāpiritia te nama o ngā pōti whaimana ki ngā tapeke whakawhiti-koreo mua, ka tiro i tēnei nama mēnā e rite ana ki te tapeke o mua o ngā pōti whaimana (koko whakarunga i te taha matau).
    - f. Me tātai anō i te paerewa. Whakawehea te tapeke mō ngā kaitono katoa (i te hipanga o mua) mā te [nui o ngā tūranga hei whakakī + 1] kātahi ka tāpiri i te 1 ki te whakautu, e riro ai te paerewa. Tuhia te paerewa hou ki te pepa hua STV kei raro o taua tiwae. Mēnā he whakawhiti-kore i roto i taua huringa, ka iti ake te uara i te paerewa o mua; mēnā kāore he whakawhiti-kore, ka rite tonu te uara ki o te huringa o mua.
    - g. E hoki ki runga o te tohutohu 8 i runga ake.



## Hipanga Whitu: Te whakaputa me te whakataurite i ngā hua

A te Mane te 17 o Whiringa-ā-nuku, kautetia ngā hua, kātahi ka whakapāoho wawe ki o ākonga.

Ka taea e koe te whakataurite ki ngā hua o te pōtitanga kāwanatanga ā-rohe tūturu, me te kōrerorero ki ngā ākonga he aha te tikanga o ngā hua ki a rātou.

Ka taea e koe te kite i ngā hua o te pōtitanga tūturu i te paetukutuku a tō kaunihera.





# Ngā hononga whaihua

## Ngā paetukutuku Kaunihera

### Te Ika-a-Māui

- Te Kaunihera o Tāmaki Makaurau ▶
- Toi Moana ▶
- Te Kaunihera ā-Rohe o Taratahi ▶
- Central Hawke's Bay District Council ▶
- Te Kaunihera o Tai Tokerau ki te Raki ▶
- Te Kaunihera o Te Tai Rāwhiti ▶
- Te Pane Matua Taiao ▶
- Te Kaunihera o Kirikiriroa ▶
- Te Kaunihera ā-Rohe o Heretaunga ▶
- Te Kaunihera o te rohe o Hauraki ▶
- Te Kaunihera ā-Rohe o Te Matau-a-Māui ▶
- Horizons Regional Council ▶
- Horowhenua District Council ▶
- Hutt City Council ▶
- Kaipara District Council ▶
- Kāpiti Coast District Council ▶
- Kawerau District Council ▶
- Manawatu District Council ▶
- Te Kaunihera ā-Rohe o Whakaoriori ▶
- Te Kaunihera ā-Rohe o Matamata Piako ▶
- Te Kaunihera o Ahuriri ▶
- New Plymouth District Council ▶
- Te Kaunihera ā-Rohe o Te Tai Tokerau ▶
- Ōpōtiki District Council ▶
- Ōtorohanga District Council ▶
- Palmerston North City Council ▶
- Porirua City Council ▶
- Rangitikei District Council ▶
- Te Kaunihera o Ngā Roto o Rotorua ▶
- Ruapehu District Council ▶
- Te Kaunihera o Taranaki ki te Tonga ▶
- South Waikato District Council ▶
- South Wairarapa District Council ▶
- Te Kaunihera ā-Rohe o Whakaahurangi ▶
- Taranaki Regional Council ▶
- Tararua District Council ▶
- Taupō District Council ▶
- Tauranga City Council ▶
- Thames-Coromandel District Council ▶
- Te Kaunihera o Te Awa Kairangi ki Uta ▶
- Te Kaunihera aa Takiwaa o Waikato ▶
- Te Kaunihera ā-Rohe o Waikato ▶
- Waipa District Council ▶
- Te Kaunihera o Te Wairoa ▶
- Waitomo District Council ▶
- Te Kaunihera ā-Rohe o Whanganui ▶
- Te Kaunihera o Pōneke ▶
- Western Bay of Plenty District Council ▶
- Whakatāne District Council ▶
- Whangarei District Council ▶

### Te Waipounamu

- Ashburton District Council ▶
- Te Kaunihera o Kawatiri ▶
- Central Otago District Council ▶
- Chatham Islands Council ▶
- Christchurch City Council ▶
- Clutha District Council ▶
- Te Kaunihera ā-rohe o Ōtepoti ▶
- Te Kaunihera Taiao ki Waitaha ▶
- Te Taiao Tonga ▶
- Gore District Council ▶
- Te Kaunihera o Māwhera ▶
- Hurunui District Council ▶
- Invercargill City Council ▶
- Te Kaunihera ā-Rohe o Kaikōura ▶
- Mackenzie District Council ▶
- Marlborough District Council ▶
- Te Kaunihera o Whakatū ▶
- Otago Regional Council ▶
- Queenstown Lakes District Council ▶
- Selwyn District Council ▶
- Te Rohe Pōtae o Murihiku ▶
- Te Kanihera o Te Tai o Aorere ▶
- Te Kaunihera ā-Rohe o Te Tihi o Maru ▶
- Waimakariri District Council ▶
- Waimate District Council ▶
- Te Kaunihera ā-Rohe o Waitaki ▶
- West Coast Regional Council ▶
- Te Kāhui o Poutini ▶

## Ētahi atu pae tukutuku

[www.votelocal.co.nz](http://www.votelocal.co.nz) – mō ētahi mōhihio o ngā pōtitanga kāwanatanga ā-rohe 2020.

[www.legislation.govt.nz](http://www.legislation.govt.nz) – mō ētahi mōhihio o te ture.

[www.stv.govt.nz](http://www.stv.govt.nz) – mō ētahi mōhihio mō te pūnaha pōti whakaraupapa.

[www.localcouncils.govt.nz](http://www.localcouncils.govt.nz) – mō ētahi mōhihio mō te kāwanatanga ā-rohe, ngā kaunihera me ngā hononga whaihua, e tiakina ana e Te Tari Taiwhenua.



# Tātauira



## Tātauira 1 - Rārangi pōti akomanga

### Pōti ā-Taiohi - Ngā Pōtitanga Kāwanatanga ā-Rohe 2015

Ingoa kura:

Nama Rēhita	Ingoa Tuatahi	Ingoa Whānau
1.		
2.		
3.		
4.		
5.		
6.		
7.		
8.		
9.		
10.		
11.		
12.		
13.		
14.		
15.		
16.		
17.		
18.		
19.		
20.		
21.		
22.		
23.		
24.		
25.		
26.		
27.		
28.		
29.		
30.		
31.		
32.		



# Tātauirā 2 - Tauira o tētahi pepa Pōti ā-Taiohi

## LOCAL ELECTIONS 2016

### The Electoral Officer KIDS VOTING

**You can vote in up to 3 elections using this voting document**

**Anycity**

- ▶ Mayor
- ▶ Any Ward
- ▶ Anytown Community Board

**How to vote**

Please read the instructions carefully.

There are two types of electoral system used for these elections

the **FIRST PAST THE POST** system where you tick candidate names

the **SINGLE TRANSFERABLE VOTING** system where you rank the candidates using numbers

If you make a mistake that you can't correct clearly, contact the electoral officer and ask for a new voting document.

The candidates' surnames may not be in alphabetical order for all elections.

Note - it is an offence under the Local Electoral Act to interfere with a person who is about to vote to influence how he or she should vote; or to deface, fraudulently mark or destroy, or otherwise interfere with a voting document without authority, or to vote more than once.

**After you vote**

1. After voting, fold the voting document and place it in the sealed ballot box.
2. All kids voting documents must be completed and in the sealed box by 3.30pm on Saturday, 8 October 2016.

For assistance call  
0800 555 555

KIDS VOTING

Anytown City Council  
**ELECTING THE MAYOR**

**FPP - THIS IS A FIRST PAST THE POST ELECTION**

Tick  the circle next to **one (1)** candidate you want to vote for. The candidate names are listed randomly for this election.

<input type="checkbox"/>	CANDIDATE, One <small>(Party/Affiliation)</small>		101
<input type="checkbox"/>	CANDIDATE, Two <small>(Party/Affiliation)</small>		102
<input type="checkbox"/>	CANDIDATE, Three <small>(Party/Affiliation)</small>		103
<input type="checkbox"/>	CANDIDATE, Four <small>(Party/Affiliation)</small>		104
<input type="checkbox"/>	CANDIDATE, Five <small>(Party/Affiliation)</small>		105
<input type="checkbox"/>	CANDIDATE, Six <small>(Party/Affiliation)</small>		106
<input type="checkbox"/>	CANDIDATE, Seven <small>(Party/Affiliation)</small>		107
<input type="checkbox"/>	CANDIDATE, Eight <small>(Party/Affiliation)</small>		108
<input type="checkbox"/>	CANDIDATE, Nine <small>(Party/Affiliation)</small>		109
<input type="checkbox"/>	CANDIDATE, Ten <small>(Party/Affiliation)</small>		110
<input type="checkbox"/>	CANDIDATE, Eleven <small>(Party/Affiliation)</small>		111
<input type="checkbox"/>	CANDIDATE, Twelve <small>(Party/Affiliation)</small>		112
<input type="checkbox"/>	CANDIDATE, Thirteen <small>(Party/Affiliation)</small>		113
<input type="checkbox"/>	CANDIDATE, Fourteen <small>(Party/Affiliation)</small>		114

Voting closes 12 midday,  
Saturday, 8 October, 2016

KIDS VOTING

## LOCAL ELECTIONS 2016

### The Electoral Officer KIDS VOTING

**You can vote in up to 3 elections using this voting document**

**Anycity**

- ▶ Mayor
- ▶ Any Ward
- ▶ Anytown Community Board

**How to vote**

Please read the instructions carefully.

There are two types of electoral system used for these elections

the **FIRST PAST THE POST** system where you tick candidate names

the **SINGLE TRANSFERABLE VOTING** system where you rank the candidates using numbers

If you make a mistake that you can't correct clearly, contact the electoral officer and ask for a new voting document.

The candidates' surnames may not be in alphabetical order for all elections.

Note - it is an offence under the Local Electoral Act to interfere with a person who is about to vote to influence how he or she should vote; or to deface, fraudulently mark or destroy, or otherwise interfere with a voting document without authority, or to vote more than once.

**After you vote**

1. After voting, fold the voting document and place it in the sealed ballot box.
2. All kids voting documents must be completed and in the sealed box by 3.30pm on Saturday, 8 October 2016.

For assistance call  
0800 555 555

KIDS VOTING

Anytown City Council  
**Any Ward**  
**ELECTING 3 COUNCILLORS**

**FPP - THIS IS A FIRST PAST THE POST ELECTION**

Tick  the circle next to **up to three (3)** candidates you want to vote for. You can tick up to three (3) candidates. The candidate names are listed randomly for this election.

<input type="checkbox"/>	CANDIDATE, One <small>(Party/Affiliation)</small>		201
<input type="checkbox"/>	CANDIDATE, Two <small>(Party/Affiliation)</small>		202
<input type="checkbox"/>	CANDIDATE, Three <small>(Party/Affiliation)</small>		203
<input type="checkbox"/>	CANDIDATE, Four <small>(Party/Affiliation)</small>		204
<input type="checkbox"/>	CANDIDATE, Five <small>(Party/Affiliation)</small>		205
<input type="checkbox"/>	CANDIDATE, Six <small>(Party/Affiliation)</small>		206
<input type="checkbox"/>	CANDIDATE, Seven <small>(Party/Affiliation)</small>		207
<input type="checkbox"/>	CANDIDATE, Eight <small>(Party/Affiliation)</small>		208
<input type="checkbox"/>	CANDIDATE, Nine <small>(Party/Affiliation)</small>		209
<input type="checkbox"/>	CANDIDATE, Ten <small>(Party/Affiliation)</small>		210
<input type="checkbox"/>	CANDIDATE, Eleven <small>(Party/Affiliation)</small>		211
<input type="checkbox"/>	CANDIDATE, Twelve <small>(Party/Affiliation)</small>		212
<input type="checkbox"/>	CANDIDATE, Thirteen <small>(Party/Affiliation)</small>		213
<input type="checkbox"/>	CANDIDATE, Fourteen <small>(Party/Affiliation)</small>		214
<input type="checkbox"/>	CANDIDATE, Fifteen <small>(Party/Affiliation)</small>		215
<input type="checkbox"/>	CANDIDATE, Sixteen <small>(Party/Affiliation)</small>		216
<input type="checkbox"/>	CANDIDATE, Seventeen <small>(Party/Affiliation)</small>		217

Voting closes 12 midday,  
Saturday, 8 October, 2016

KIDS VOTING

Anytown City Council  
**Anytown Community Board**  
**ELECTING 5 BOARD MEMBERS**

**FPP - THIS IS A FIRST PAST THE POST ELECTION**

Tick  the circle next to **up to five (5)** candidates you want to vote for. You can tick up to five (5) candidates. The candidate names are listed randomly for this election.

<input type="checkbox"/>	CANDIDATE, One <small>(Party/Affiliation)</small>		301
<input type="checkbox"/>	CANDIDATE, Two <small>(Party/Affiliation)</small>		302
<input type="checkbox"/>	CANDIDATE, Three <small>(Party/Affiliation)</small>		303
<input type="checkbox"/>	CANDIDATE, Four <small>(Party/Affiliation)</small>		304
<input type="checkbox"/>	CANDIDATE, Five <small>(Party/Affiliation)</small>		305
<input type="checkbox"/>	CANDIDATE, Six <small>(Party/Affiliation)</small>		306
<input type="checkbox"/>	CANDIDATE, Seven <small>(Party/Affiliation)</small>		307
<input type="checkbox"/>	CANDIDATE, Eight <small>(Party/Affiliation)</small>		308
<input type="checkbox"/>	CANDIDATE, Nine <small>(Party/Affiliation)</small>		309
<input type="checkbox"/>	CANDIDATE, Ten <small>(Party/Affiliation)</small>		310
<input type="checkbox"/>	CANDIDATE, Eleven <small>(Party/Affiliation)</small>		311
<input type="checkbox"/>	CANDIDATE, Twelve <small>(Party/Affiliation)</small>		312

Voting closes 12 midday,  
Saturday, 8 October, 2016

KIDS VOTING







**PŌTI**  
**2022**  
NGA PŌTITANGA Ā-ROHE

